

# Nasionale Jeugskou

## Reëls en Regulasies

Januarie 2022



## A: REËLS T.O.V. AFSNY DATUMS

Die **1ste Augustus, om 12H00** is die afsny datum vir die Registrasie van deelname, Hemp Groottes en betalings vir die Nasionale Skou. Indien daar enige veranderinge is ná **1 Augustus** sal daardie deelnemer se **inskrywingsgeld verdubbel**. Geen veranderinge sal gedoen word binne 1 week voor die skou begin nie.

**Alle inbetalings van fooie mag slegs deur die Provinsie gedoen word. Geen inbetalings deur Ouers sal aanvaar word nie**

## B: REËLS T.O.V. DIERE/ RULES REGARDING ANIMALS

Alle beeste wat ingeskryf word moet 'n geldige (12 maande) BM (Besmetlike Misgeboorte) en TB (Tuberkulose) sertifikaat hê. Varke wat ingeskryf word moet Leptospirose vry wees. Skape en Bokke moet vry wees van Inwendige sowel as Uitwendige Parasiete. Perde moet in besit wees van 'n geldige Paspoort en alle entings kry wat vereis word vir die beweging tussen provinsies. 'n Getekende sertifikaat van 'n veearts wat bogenoemde vereistes sertifiseer, moet ingedien word by Registrasie vir alle diere.

**Gas Provinsie moet seker maak van alle Veeartsenykundige Vereistes wat daar in die Provinsie is en dat dit deurgegee word aan die deelnemende Provinsies**

### OUERDOM VAN DIER

Vleisbeeste	Enige Ouderdom
Suiwelbeeste	Enige Ouderdom ( NET VIR 2018)
Skape	6 maande en ouer
Varke	3 - 6 maande
Bokke	6 maande en ouer
Perde	Enige Ouderdom
Hoenders	6 maande en ouer

Die ouderdom van die dier sal wees soos op die eerste dag van die maand waarop die betrokke skou gehou sal word.

### BEHEER VAN DIER

Alle Bulle moet 'n neusring hê. Alle perde moet van behoorlike halters voorsien word. Alle verse en koeie **moet** dragtig gesertifiseer word. Indien hulle nie dragtig is nie **moet** hulle behandel word om nie bronstig te raak nie(Oestrus) **Bewyse moet by Registrasie ingedien word.**

## DIERE WAT NIE GESKOU MAG WORD NIE

Geen Suiwelbulle, bronstige vroulike beeste, varkbere of burge, hingste, ramme, kapaters of hamels. Geen Beeste of Melkbokke met horings mag geskou word nie. Merries wat bronstig is moet met 'n rooi lint in die stert gemerk word. Geen siek dier mag geskou word nie. Indien 'n dier op die skou sou doodgaan moet hy dadelik verwyder word van die terrein. 'n Nadoodse ondersoek moet deur 'n veearts gedoen word om te bepaal wat die oorsaak was en die Skoubestuur moet ingelig word van die uitslag.

## ONHANTEERBARE DIERE

Indien 'n dier uit die ring hardloop word hy nie weer toegelaat nie. Alle diere moet haltermak wees. Deelnemers moet ten alle tye hulle dier kan beheer. Deelnemers wat nie hulle diere kan beheer nie, sal gevra word om die ring te verlaat.

## C. REÛLS TEN OPSIGTE VAN SKOUMANNE

### OUERDOM VAN SKOUMANNE

As die kind in die jaar van die skou 10 word is hy/sy onder 10. As die kind 11 word is hy/sy onder 14. As die kind in die jaar van die skou 19 word kan hy/sy nie deelneem nie.

### NASIONALE KAMPIOENSKAPPE

<b>Junior Junior:</b>	Onder 10 jaar
<b>Juniors:</b>	Onder 14 jaar
<b>Seniors:</b>	Onder 18 jaar
<b>Junior Groep:</b>	Onder 14 jaar
<b>Senior Groep:</b>	Onder 18 jaar

Afskrif van geboortesertifikaat of ID-dokument, asook 'n vrywaringsbrief moet by inskrywingsvorm aangeheg word.

### PROVINSIALE SPANNE .

Die kind se adres waar hy/sy skoolgaan is die Provinsie wat hy/sy voor kwalifiseer om voor deel te neem by 'n Nasionale Kampioenskap.

## DEELNAME

Elke individuele skouman mag slegs in een afdeling skou. Deelnemers kan slegs in die afdeling, groepsklas, skou waarin hy/sy as skouman deelneem. M.a.w. die groepsklas van elke afdeling word uit die betrokke skoumanne verkies. Deelnemers mag nie in staties en nie-statiese afdelings deelneem nie. Mag ook nie in meer as een groepsklas deelneem nie.

## STALKNEGTE

Geen stalknegte word toegelaat nie. Indien eienaar van diere verteenwoordigers daar wil hê, word dit toegelaat maar die persoon mag glad nie help om dier te versorg, voor te berei of om stalle skoon te maak nie.

## KLEREDRAG ( Skouman en Groepklasse)

Alle deelnemers word verplig om die amptelike pet, hemp en Blou (ongebleikte) denim langbroek te alle tye in die skou-arena te dra. Geen horlosies, juwele, selfone of grimering mag gedra of gebruik word nie. Wit of swart Rubberstewels kan tydens was en voorbereiding gedra word, maar slegs wit stewels vir skouman. Met die skou van statiese uitstallings word skoene met veters gedra. By perde word skoene gedra. Lang, Blou oorpak broeke by was en voorbereiding is toelaatbaar (geen wapens of kentekens). By groepklasse moet die klere eenvormig wees.

## D. REÛLS TEN OPSIGTE VAN BEOORDELING GROEPKLASSE

Die groepklasse is nie verpligtend nie. 'n Groep moet bestaan uit 3 skoumanne. Slegs een Junior en een Senior groep per provinsie in elke afdeling. Kinders mag in 'n ander klas skou in die groep afdeling as wat hy die skouman in doen maar geen oorkruis tussen Grootvee en Kleinvee nie. Geen groepklasse word in varke geskou nie.

## BEOORDELING

### HOEF DIERE

Beoordeling sal gebaseer word op:

	Kennis	Was	Voorbereiding	Vertoonkuns
Junior Junior		30%		70%
Junior	20%	15%	15%	50%
Senior	20%	15%	15%	50%

## Pluimvee & Konyne

Beoordeling sal gebaseer word op:

	Kennis	Voorbereiding voor skou	Eie Inskrywings	Vertoonkuns
Junior Junior		15%	15%	70%
Junior	20%	15%	15%	50%
Senior	20%	15%	15%	50%

## Duiwe

Beoordeling sal gebaseer word op:

	Kennis	Voorbereiding voor skou	Vertoonkuns
Junior Junior		30%	70%
Junior	20%	30%	50%
Senior	20%	30%	50%

## Kulinêre Kuns

Beoordeling sal gebaseer word op:

	Kennis	Bepanning/ Vooraf	Voorbereiding	Maak van produk/
Junior Junior			25%	75%
Junior	20%		20%	60%
Senior	20%	10%	20%	50%

## SUIWELBEREIDING

Beoordeling sal gebaseer word op:

	Kennis	Uitstal	Blinde Proe	Maak van produk
Junior Junior		10%	20%	70%
Junior	20%	10%	20%	50%
Senior	20%	10%	20%	50%

## PLASING

**Beoordelaar se plasing is finaal.** Die beoordelaar doen die eerste 5 plasings in die ring vir SKOUMAN. Die finale plasing word bepaal deur die totale punte. Indien deelnemers gelyk eindig met totale uit 100 word die een met hoogste vertonerspunt eerste geplaas. Daarna volgens voorbereiding en laastens kennis. Deelnemers moet 'n sekere persentasie behaal om vir 'n medalje te kwalifiseer : Goud - 75% Silwer - 65% Brons - 55%

## TYE

Daar mag nie aan die tye van klasse soos in die program aangedui is verander word sonder die Gasheer Provinsie of Skoubestuur se toestemming nie. Sorg dat jy altyd betyds is vir jou spesifieke klasse. As die ringhek toe is, word dit nie weer oopgemaak nie. **Beoordeling begin sodra die skouman die ring binnegaan en eindig met plasing deur die beoordelaar**

## DEEL VAN DIERE

Junior Junior, Junior en Senior kan 'n dier deel.

## WAS VAN DIERE

Diere wat skoon na die wasarea gebring word vir beoordeling, sal gepenaliseer word. (5 punte). Diere mag skoongemaak word tot en met 12H00 van die dag voor die aanvang van die toernooi (Sondag). Slegs 'n halter en tou mag gebruik word om diere vas te maak vir was en voorbereiding. Dieselfde dier moet gebruik word vir was, voorbereiding en skouman. By Grootvee en kleinvee word die hele dier gewas, al word die dier gedeel.

**Droë was:** Dit is 'n mondelinge, stap vir stap beskrywing van die volle wasproses van die dier. 'n Deelnemer kan gevra word om 'n droë was te doen indien omstandighede dit vereis. Die beoordelaar saam met die Skoukomitee sal besluit of dit gebruik gaan word.

Tyd vir was: JJ & JNR 35 min SNR 25 min

## VOORBEREIDING VAN DIERE

Slegs Junior en Senior doen voorbereiding. Diere kan skougereed (geskeer en hoewe geknip) by skou arriveer. Ander voorbereiding word wel beoordeel. Penalisasie vir vooraf voorbereiding (5 punte). By kleinvee doen die Junior voorbereiding op die **LINKERKANT** van die dier en die Senior die **REGTERKANT** al word die dier nie gedeel nie. Beoordeling vir Junior is links en Senior regs

Tyd almal: 20 min

## **VOLGORDE**

Skoumanne moet die ring volgens katalogus nommers ingaan.

## **KENNIS**

Daar moet in die klas onderskei word tussen ouderdomsklasse van deelnemers.

6 - 10 jr	Geen Kennis Toets
11 - 18 jr	Skriftelike Eksamen

## **E. ALGEMENE SKOUREËLS**

### **Alle Dooie**

Indien 'n dier sou dood gaan gedurende die skou moet die dier so gou as moontlik van die skouterrein af verwyder word en na 'n veearts geneem word vir 'n nadoodse ondersoek. Die nadoodse verslag moet by die skoukomitee ingehandig word.

### **Vleisbeeste**

Vleisbees skouman loop vorentoe. Vleisbeeste beweeg vinniger in die ring. Daar word altyd kloksgewys in 'n ring geloop. Daar word altyd aan die bees se linkerkant geloop en nie voor of aan die regterkant nie. 'n Halter moet van 'n leiriem en kenketting voorsien wees. Skoustok is nie verpligtend nie. Indien 'n vleisbees met 'n skoustok geskou word moet die stok "spaarsamig" gebruik word. As 'n skouman nie met 'n skoustok skou nie, word die dier se halter gebruik om hom vorentoe of agtertoe te laat staan. 'n Vleisbees se voete is altyd blokvormig gespasioer as die dier stilstaan.

### **Suiwelbeeste**

Melkbees skouman loop agteruit. 'n Melkbees se agterbene is uitmekaar sodat die beoordelaar die "uier" kan waarneem as die dier stilstaan. 'n Melkbees skouman gebruik die dier se halter om dit vorentoe of agtertoe te laat gaan. Die skouman mag ook sy voete gebruik om die voorvoete reg te plaas.

## **PERDE / HORSES**

Geen helpers word toegelaat in die ring nie. Perde word slegs aan die hand vertoon en word beoordeel volgens die heersende rasstandaarde. Perde word geskeer volgens rasstandaarde. Geen skêre mag gebruik word by voorbereiding van die perd nie.

## WOLSKAPE

Die wollengte moet tussen 4 en 8 maande wees. Dubbeldoel skape wat in die klas gebruik word moet aan wol reëls voldoen. Hoewe moet geknip wees.

## VLEISSKAPE

Vleisskape moet geskeer wees. Hoewe moet geknip wees. Dubbeldoel skape wat in die klas gebruik word moet aan vleis reëls voldoen en 'n maksimum van 5 mm wol op hê sodat hy gewas kan word..

## VESELBOKKE

Bokke mag nie geskeer wees nie. Minimum vesel lengte van 4 maande (Langer as 70 mm) en 'n maksimum van 6 maande.

## KULINÊRE KUNS & SUIWELBEREIDING

Geen ouers sal in voorbereidings lokaal toegelaat word nie. Geen selfone word in die lokaal toegelaat nie. Geen produkte mag uit die lokaal verwyder word voordat die Beoordelaar nie toestemming gegee het nie.

Deelnemers aan die klasse moet self die produkte op die skou maak en sal daarop, asook op die finale produk beoordeel word. Deelnemers moet hul eie toerusting saambring vir die maak en verpakking van die produkte, asook versiering van tafels. Slegs wit eetgerei d.w.s. grootbord, kleinbordjie, koppies en pierings wat deur die Gas Provinsie voorsien word mag gebruik word

## PUNTE

Volledige puntestate moet so spoedig moontlik na afloop van die Kampioenskappe aan elke Provinsie gestuur word. Die beoordelaar plaas die eerste 5 deelnemers en ken punte toe soos uiteengesit.

## ADVERTENSIES

Vertoners sal toegelaat word om stoet name en ander advertensiemateriaal alleenlik by hulle stalle te vertoon.



## BYSTAND EN AFRIGTERS

Ouers en raadgewers se bystand is nie toegelaat op **enige** stadium gedurende deelname aan 'n item nie. Indien iemand hom skuldig maak daaraan sal hy onmiddellik van die skouterrein verwyder word en verbied word om weer daar te kom. Een afrigter per agt deelnemers word toegelaat.

## PROSEDURE VIR APPELERING

- 1) Die Provinsiale voorsitter, vise-voorsitter en sekretaris van die provinsie wat die appèl aanteken, moet die saak ondersoek en probeer oplos.
- 2) Indien onopgelos moet die Provinsiale voorsitter die probleem binne 'n uur na die voorval plaasgevind het, aan die Skoukomitee skriftelik voorlê, vergesel van R500, 00
- 3) Die Skoukomitee sal op 'n uitslag besluit. Die besluit is finaal.
- 4) Indien die besluit ten gunste van die klaer is, sal 'n maksimum van R400, 00 terugbetaalbaar wees.

### F. KLASSE

<b>BEESTE</b>	
<b>Kategorieë</b>	
<b>SUIWEL</b>	<b>VLEIS &amp; DUBBELDOEL</b>
<b>Klasse</b>	
Kennis toets	Kennis toets
Was van dier	Was van dier
Vorbereiding voor skou	Vorbereiding voor skou
Skouman	Skouman
Groep klasse	Groep klasse

<b>SKAPE</b>	
<b>Kategorieë</b>	
<b>VLEISRASSE</b>	<b>WOLRASSE</b>
<b>Klasse</b>	
Kennis toets	Kennis toets
Was van dier	Droë was van dier
Vorbereiding voor skou	Vorbereiding voor skou
Skouman	Skouman
Groepklasse	Groepklasse

<b>BOKKE</b>		
<b>Kategorieë</b>		
<b>Vleisrasse</b>	<b>Veselrasse</b>	<b>Melkrasse</b>
<b>Klasse</b>		
Kennis toets	Kennis toets	Kennis toets
Was van dier	Droë was van dier	Was van dier
Voorbereiding voor skou	Voorbereiding voor skou	Voorbereiding voor skou
Skouman	Skouman	Skouman
Groepklasse	Groepklasse	Groepklasse

<b>Kategorieë</b>	
<b>VARKE</b>	<b>PERDE</b>
<b>Klasse</b>	
Kennis toets	Kennis toets
Was van dier	Was van dier
Voorbereiding voor skou	Voorbereiding voor skou
Skouman	Skouman
<b><u>GEEN Groep klasse</u></b>	Groepklasse

<b>Kategorieë</b>	
<b>PLUIMVEE</b>	<b>KONYNE</b>
<b>Klasse</b>	
Kennis toets	Kennis toets
Voorbereiding voor skou	Voorbereiding voor skou
Eie Inskrywings	Eie Inskrywings
Skouman	Skouman

<b>Kategorieë</b>	
<b>WEDVLUGDUIWE</b>	<b>SIERDUIWE</b>
<b>Klasse</b>	
Kennis toets	Kennis toets
Voorbereiding voor skou en Skouman	Voorbereiding voor skou en Skouman

<b>Kategorieë</b>	
<b>KULINÊRE KUNS</b>	<b>SUIWELPRODUKTE</b>
<b>Klasse</b>	
Kennis toets	Kennis toets
Spyskaart & Kaartjie	Vorbereiding en maak van produk
Tafel	Tafel
Produk	Blinde Proe
<b>Produkte</b>	
Soos voorgeskryf	Soos voorgeskryf